

# মিডল্ স্কুল

6–8 গ্রেড




**পরামর্শ** আমাদের মিডল্ স্কুল অ্যাডমিশন্স ভিডিও সিরিজটি [schools.nyc.gov/MS](https://schools.nyc.gov/MS) -এ দেখুন! কীভাবে স্কুলসমূহ অনুসন্ধান করতে হবে, একটি মাইস্কুলস্ অ্যাকাউন্ট তৈরি করতে হবে, এবং আবেদন করতে হবে, সেবিষয়ে আমরা আপনাকে ধাপে ধাপে বর্ণনা দেব।



## NYC পাবলিক স্কুলে নবাগত?

কী করতে হবে তা জানতে [schools.nyc.gov/NewStudents](https://schools.nyc.gov/NewStudents) দেখুন অথবা 718-935-2009 নম্বরে ফোন করুন।



# 7.0 মিডল্ স্কুল

এই যাচাই-তালিকা বা চেকলিস্ট ব্যবহার করার সময় শূন্যস্থানগুলো পূরণ করুন।

## 1. মিডল্ স্কুলে ভর্তি সম্পর্কে জানুন

**schools.nyc.gov/SignUp** ওয়েবসাইটে আমাদের মিডল্ স্কুল ভর্তির ইমেইল তালিকার গ্রাহক হোন (সাইন আপ করুন)। আমরা আপনাকে এই বছরের ভর্তির সময়রেখা এবং তথ্য অধিবেশনসমূহ সংক্রান্ত আপডেট এবং স্মারক পাঠাবো।

এই গাইডটি পড়ুন! সর্বসাম্প্রতিক তথ্যের জন্য **schools.nyc.gov/MS** দেখুন।

মিডল্ স্কুলে ভর্তি প্রক্রিয়া সংক্রান্ত একটি তথ্য অধিবেশনে আসুন।

আমি উল্লেখিত তথ্য অধিবেশনে অংশগ্রহণ করবো: \_\_\_\_\_.

## 2. আবেদন উন্মুক্ত হবার আগে স্কুলগুলো অন্বেষণ করুন

আপনার সন্তান যেসব স্কুলে যাবার যোগ্য সেগুলি শনাক্ত করতে **MySchools.nyc** ব্যবহার করুন। কীভাবে মাইস্কুলস্ ব্যবহার করতে হবে, তা জানতে **সেকশন 2.0** দেখুন।

আপনার সন্তানের স্কুল ডিস্ট্রিক্ট(সমূহ) এবং কোনো জোনভুক্ত মিডল্ স্কুল(সমূহ) খুঁজুন: **schoolsearch.schools.nyc** ওয়েবসাইটে আপনার ঠিকানা লিখুন (এন্টার করুন) অথবা **311** নম্বরে ফোন করুন।

আমার স্কুল ডিস্ট্রিক্টটি হচ্ছে \_\_\_\_\_ এবং—**একটি বিকল্প বেছে নিন:**

আমার জোনভুক্ত মিডল্ স্কুল(গুলো) হচ্ছে \_\_\_\_\_.  
অথবা

আমার কোনও জোনভুক্ত স্কুল নেই।

ওপেন হাউসগুলোতে যোগ দিন! তারিখ, সময়, এবং ঠিকানার জন্য অনুষ্ঠান বিষয়ক **মাইস্কুলস্ ক্যালেন্ডার** দেখুন, অথবা অনুষ্ঠান সম্পর্কিত সর্বসাম্প্রতিক তথ্য, সংস্থান ও যোগাযোগের তথ্যের জন্য সরাসরি প্রোগ্রামের ওয়েবসাইট দেখুন।

## 3. আপনার মাইস্কুলস্ অ্যাকাউন্ট তৈরি করুন এবং আবেদন করুন

মিডল্ স্কুলে কখন আবেদন করবেন তা জানুন।

আবেদন করার শেষ সময়সীমা হলো \_\_\_\_\_.

আপনার সন্তানের স্বাগত চিঠিটি গ্রহণ করুন, যেটায় মাইস্কুলস্ অ্যাকাউন্ট তৈরির অনন্য কোড এবং আপনার সন্তানের আবেদন কীভাবে দেখতে পাবেন সেবিষয়ে নির্দেশনা দেয়া থাকবে।

আপনার সন্তানের আবেদনপত্রে আপনার প্রকৃত পছন্দের ক্রমানুসারে সর্বোচ্চ 12-টি প্রোগ্রাম যোগ করুন। সুনির্দিষ্ট প্রোগ্রামসমূহে আবেদন করার জন্য আপনার আর কিছু করা প্রয়োজন কিনা তা জেনে নিন, যেমন একটি অডিশন দেয়া।

আপনার আবেদনের পছন্দসমূহ নিয়ে আলোচনা করার জন্য আপনার সন্তানের বর্তমান স্কুল কাউন্সিলার অথবা একটি ফ্যামিলি ওয়েলকাম সেন্টারের সাথে একটি অ্যাপয়েন্টমেন্ট করুন।

সময়সীমা শেষ হবার আগে মিডল্ স্কুলে আবেদন করুন। আপনি আবেদন করার জন্য কীভাবে পরিকল্পনা করছেন?  
**একটি বিকল্প বেছে নিন:**

অনলাইনে **MySchools.nyc** -এ

আপনার সন্তানের বর্তমান স্কুল কাউন্সিলারের মাধ্যমে

একটি ফ্যামিলি ওয়েলকাম সেন্টারের মাধ্যমে—কীভাবে করতে হবে তা জানতে **schools.nyc.gov/FWC** দেখুন

## 4. আপনার সন্তানের অফার সংগ্রহ করুন!

আপনার অফারের চিঠিটি আপনার সন্তানের মিডল্ স্কুল অফার, অপেক্ষা-তালিকা বা ওয়েটলিস্ট সম্পর্কিত তথ্য, এবং যেকোনো পরবর্তী ধাপসমূহ অন্তর্ভুক্ত করবে।

আমার সন্তান উল্লেখিত মিডল্ স্কুলে অফার পেয়েছে \_\_\_\_\_.

## 7.1 কারা আবেদন করতে পারে?

NYC শিক্ষার্থীরা তাদের পঞ্চম গ্রেড অথবা তাদের এলিমেন্টারি স্কুলের শেষ বছর চলাকালে, একটি মিডল্ স্কুলে ভর্তির আবেদনপত্র জমা দেয়ার মাধ্যমে NYC পাবলিক স্কুলস্-এর (NYCPS) মিডল্ স্কুলগুলোতে আবেদন করে।\*

আবেদন করতে, আপনার সম্ভানকে অবশ্যই উল্লেখিত দুটোই হতে হবে

- একজন নিউ ইয়র্ক সিটির (NYC) বাসিন্দা এবং
- বর্তমান পঞ্চম গ্রেডের শিক্ষার্থী অথবা, যদি তার এলিমেন্টারি স্কুল ষষ্ঠ গ্রেডে শেষ হয়, তবে বর্তমানে ষষ্ঠ গ্রেডের একজন শিক্ষার্থী।

\* অতিরিক্তভাবে, বর্তমান চতুর্থ গ্রেডের শিক্ষার্থীরা সেন্টার স্কুল (03M243) অথবা লুই আর্মস্ট্রং মিডল্ স্কুলে (30Q227) আবেদন করতে পারে; এবং বর্তমান ষষ্ঠ গ্রেডের শিক্ষার্থীরা ব্যাকালরিয়েট স্কুল ফর গ্লোবাল এডুকেশন-এ (30Q580) আবেদন করতে পারে।

## 7.2 মিডল্ স্কুলগুলো অন্বেষণ করুন

কিছু কিছু মিডল্ স্কুলের একাধিক প্রোগ্রাম থাকতে পারে, যেমন একটি জেনারেল এডুকেশন (সাধারণ প্রোগ্রাম) এবং একটি ডুয়াল ল্যাঙ্গুয়েজ প্রোগ্রাম থাকতে পারে। আপনার যদি একই স্কুলের একাধিক প্রোগ্রামে আবেদন করার আগ্রহ থেকে থাকে, তবে আপনার সম্ভানের আবেদনপত্রে প্রতিটি প্রোগ্রাম ভিন্ন ভিন্ন বাছাইকৃত পছন্দ হিসেবে গণ্য হবে। আপনি সর্বোচ্চ 12-টি প্রোগ্রামে আবেদন করতে পারবেন।

### প্রোগ্রামের বৈশিষ্ট্যসমূহ

আপনার জন্য কী সবচেয়ে গুরুত্বপূর্ণ তা বিবেচনা করুন—এটা হতে পারে অবস্থান, যে ভাষাগুলো অফার করছে, কোনও স্পোর্টস্ টিম, অথবা অভিজ্ঞতা (প্রতিবন্ধিতাযুক্তদের জন্য বিশেষ সুবিধা)। প্রোগ্রামসমূহ খোঁজা এবং অন্বেষণ করার জন্য কীভাবে মাইস্কুলস্ ব্যবহার করতে হবে, সেবিষয়ে একটি টিউটোরিয়াল দেখতে [সেকশন 2.0](#)-এ দেখুন।

### চার্টার স্কুলসমূহ

চার্টার স্কুলগুলো হচ্ছে বিনা খরচের পাবলিক স্কুল যেগুলো NYC পাবলিক স্কুলস্ (NYCPS) থেকে স্বাধীনভাবে পরিচালিত হয় এবং সকল NYC-তে বসবাসকারী শিক্ষার্থীদের জন্য উন্মুক্ত। NYCPS পাবলিক মিডল্ স্কুলগুলোতে যেসব শিক্ষার্থী আবেদন করার জন্য যোগ্য, তারা চার্টার মিডল্ স্কুলগুলোতে আবেদন করার জন্যেও যোগ্য। চার্টার স্কুলগুলোর পৃথক ভর্তি প্রক্রিয়া রয়েছে। আপনি যদি কোনও চার্টার স্কুলে আবেদন করতে আগ্রহী হন, তবে কীভাবে আবেদন করতে হয় তা জানতে অনুগ্রহ করে ঐ স্কুলের সাথে যোগাযোগ করুন। আরও তথ্যের জন্য [schools.nyc.gov/Charters](https://schools.nyc.gov/Charters) দেখুন।

## 7.3 শিক্ষার্থীরা কীভাবে অফার পায় তা জানুন

কোনো একটি নির্দিষ্ট প্রোগ্রামে আপনার অফার পাবার সম্ভাবনা কতটুকু তা কীভাবে জানবেন? এবং আপনার আবেদনপত্রের একটি প্রোগ্রামে অফার পাবার সম্ভাবনা কীভাবে বৃদ্ধি করতে পারেন? অফার কীভাবে দেয়া হয়, সেটা জানার মাধ্যমে শুরু করলে সুবিধা হবে। প্রোগ্রামগুলোতে অফার চারটি মুখ্য বিষয়ের উপর নির্ভর করে দেয়া হয়।

### আবেদনপত্রে আপনার পছন্দসমূহ

আপনার সন্তান কোন মিডল স্কুলে যাবে তা নির্ধারণ করার সবচেয়ে গুরুত্বপূর্ণ বিষয় হলো ভর্তির আবেদনপত্র আপনি কীভাবে পূরণ করছেন। এটা আপনার সন্তানের পছন্দের একটি স্কুল থেকে অফার পাবার সবচেয়ে ভালো সুযোগ, অতএব চিন্তাভাবনা করে পছন্দগুলো বেছে নিতে ভুলবেন না।

- আপনার সন্তান ভর্তি হতে আগ্রহী এমন সর্বোচ্চ 12-টি প্রোগ্রাম বেছে নিন এবং আপনার সন্তানের আবেদনপত্রে সেগুলো যোগ করুন। তালিকায় বেশী প্রোগ্রাম যোগ করলে আপনার পছন্দের যেকোনো একটিতে অফার পাবার সম্ভাবনা বেড়ে যায়; এর ফলে আপনার সবচেয়ে বেশী - পছন্দের প্রোগ্রামগুলোতে অফার পাবার সম্ভাবনা হ্রাস পায় না। আপনার সর্বোচ্চ পছন্দের নিচে যতগুলো অতিরিক্ত পছন্দই বেছে নেন না কেন, সেটা থেকে একটি অফার পাবার সম্ভাবে একই থাকে।
- এই প্রোগ্রামগুলো আপনার আবেদনপত্রে আপনার প্রকৃত পছন্দের ক্রমানুসারে তালিকাভুক্ত করতে ভুলবেন না, আপনার প্রথম পছন্দের প্রোগ্রামটি #1 হিসেবে, এরপর দ্বিতীয় পছন্দের প্রোগ্রামটি #2 হিসেবে, এবং এভাবে অব্যাহত রাখবেন। প্রথমে আপনার সন্তানকে তার পছন্দের তালিকার প্রথম প্রোগ্রামের জন্যে বিবেচনা করা হবে। তারা প্রথম পছন্দে অফার না পেলে দ্বিতীয় পছন্দের প্রোগ্রামের জন্যে তাদেরকে এমনভাবে বিবেচনা করা হবে, যেন সেটাই ছিল তার প্রথম পছন্দ, এবং এভাবে চলতে থাকবে। এই সেকশনে আলোচিত অন্যান্য বিষয়গুলো (ফ্যাক্টরগুলো) বিবেচনাক্রমে আপনার সন্তান তার সম্ভাব্য শ্রেষ্ঠ কর্মসূচিতে অফার পাবে। মিডল স্কুলগুলো আপনার পছন্দের তালিকায় সেগুলোকে কীভাবে ধারাক্রম করেছেন, এবং তারা আপনার প্রথম নাকি বারোতম পছন্দ তা জানতে পারবে না।

### প্রতিটি প্রোগ্রামের লভ্য আসন সংখ্যা

আসন সংখ্যা এবং চাহিদা। প্রতিটি মিডল স্কুলে একটি নির্দিষ্ট সংখ্যক আসন রয়েছে। গত বছর আগত শিক্ষার্থীদের জন্য কতগুলো আসন ছিল (Seats) এবং 2024-2025 শিক্ষা বছর চলাকালে সেই আসনগুলোর জন্য কতজন শিক্ষার্থী আবেদন করেছে এবং একটি আরও পছন্দের বাছাই থেকে অফার পায়নি (Applicants) তা মাইস্কুলস্-এর ভর্তি প্রক্রিয়া বা অ্যাডমিশন্স সেকশন থেকে জেনে নিন। একটি প্রোগ্রামে চাহিদা কতটুকু তা আপনি প্রতিটি লভ্য আসনের জন্য কতজন আবেদন করেছে (আসনপ্রতি আবেদনকারীর সংখ্যা) তা থেকে জানতে পারেন—প্রতিটি আসনের জন্য অধিকতর সংখ্যক আবেদনকারীর অর্থ হচ্ছে অধিকতর চাহিদা।

আসনের জন্য গ্রুপসমূহ। শুধুমাত্র ভর্তি বা অ্যাডমিশনের উদ্দেশ্যে, প্রতিটি প্রোগ্রাম জেনারেল এডুকেশন শিক্ষার্থী ও প্রতিবন্ধিতায়ুক্ত শিক্ষার্থীদের দুইটি পৃথক গ্রুপে ভর্তি করে। আপনার মিডল স্কুল আবেদনপত্র, আপনি যেভাবে আখ্যাত তা প্রদর্শন করবে। এটা আপনি বেছে নিতে পারেন, তেমন নয়।

#### সাধারণ শিক্ষার (জেনারেল এডুকেশন, GE) শিক্ষার্থীবৃন্দ

- যেসব শিক্ষার্থীর ইন্ডিভিজুয়ালাইজড এডুকেশন প্রোগ্রাম (IEP) নেই, তাদের জন্য
- যেসব শিক্ষার্থীর IEP শুধুমাত্র সংশ্লিষ্ট পরিষেবা (রিলেটেড সাভিস) সুপারিশ করে, অথবা যাদের বর্তমান IEP তাদের বর্তমান শিক্ষায়তনিক কর্মসূচিতে 20% অথবা এরচেয়ে কম স্পেশাল এডুকেশন শিক্ষা-নির্দেশনামূলক প্রোগ্রামিং সুপারিশ করে, তাদের জন্য।

#### প্রতিবন্ধিতায়ুক্ত শিক্ষার্থীবৃন্দ

##### (স্টুডেন্ট উইথ ডিস্যাবিলিটি, SWD)

যেসব শিক্ষার্থী তাদের বর্তমান IEP-তে উল্লেখিত অনুযায়ী শিক্ষায়তনিক কর্মসূচির (অ্যাকাডেমিক প্রোগ্রাম) 20% -এর অধিক স্পেশাল এডুকেশন শিক্ষা-নির্দেশনা পাবার জন্য সুপারিশকৃত।



## প্রতিটি প্রোগ্রামের ভর্তি প্রক্রিয়ায় অগ্রাধিকারসমূহ

একটি প্রোগ্রামে কোন্ আবেদনকারীরা অন্যদের চেয়ে আগে অফার পাবে, তা সেটার ভর্তিতে অগ্রাধিকারসমূহ নির্ধারণ করে। ভর্তিতে একাধিক অগ্রাধিকার (প্রায়োরিটি) রয়েছে এমন কোনও প্রোগ্রামে, অফারের জন্য আবেদনকারীদের অগ্রাধিকারের ক্রম-অনুযায়ী বিবেচনা করা হয়:

- অগ্রাধিকার গ্রুপ 1-এর সকল শিক্ষার্থীকে প্রথমে বিবেচনা করা হবে।
- যদি আসন বাকি থাকে, তবে এরপর অগ্রাধিকার (প্রায়োরিটি) গ্রুপ 2- এর শিক্ষার্থীদের বিবেচনা করা হবে, এবং এভাবে চলতে থাকবে।

যে কয়টি আসন আছে তার চেয়ে আবেদনকারীর সংখ্যা বেশি হলেই শুধু ভর্তির ক্ষেত্রে অগ্রাধিকার প্রয়োগ করা হয়। আপনি যেকোনো প্রোগ্রামের ভর্তিতে অগ্রাধিকারসমূহ সেটার মাইস্কুলস্ পেইজে খুঁজে পাবেন। যখন আপনি আপনার অ্যাকাউন্টে লগ-ইন করবেন, তখন আপনি প্রতিটি প্রোগ্রামে আপনার সম্ভাব্য অগ্রাধিকার বা প্রায়োরিটি গ্রুপ দেখতে পাবেন। প্রোগ্রামগুলোর ভর্তিতে ভিন্ন ভিন্ন অগ্রাধিকার (প্রায়োরিটি) আছে, অতএব ভিন্ন ভিন্ন প্রোগ্রামে আপনার সম্ভাব্য ভিন্ন ভিন্ন অগ্রাধিকার গ্রুপে থাকবে।

**পরামর্শ** এমন কিছু প্রোগ্রামে আবেদন করুন, যেগুলোতে আপনার সম্ভাব্য প্রথম (1) অগ্রাধিকার (প্রায়োরিটি) গ্রুপে রয়েছে।

## ভর্তিতে সাধারণ অগ্রাধিকারসমূহ



### ভাই-বোনের অগ্রাধিকার

যেসব স্কুলে চূড়ান্ত বছর হচ্ছে অষ্টম গ্রেড, সেখানে যদি মিডল্ স্কুলে ভর্তির আবেদনকারীর কোনও ভাই-বোন বর্তমানে ষষ্ঠ অথবা সপ্তম গ্রেডে পড়ে, তবে তারা তাদের ভাই-বোনের স্কুলটিতে ভর্তিতে অগ্রাধিকার পাবে। স্কুলটিতে যদি নিম্ন গ্রেডসমূহ থাকে (যেমন, K-8 গ্রেড), সেক্ষেত্রে যেসব মিডল্ স্কুলে ভর্তির আবেদনকারীর কোনও ভাই-বোন বর্তমানে কিন্ডারগার্টেন, প্রথম, দ্বিতীয়, তৃতীয়, চতুর্থ, পঞ্চম, ষষ্ঠ, অথবা সপ্তম গ্রেডে পড়ছে, তারা তাদের ভাই-বোনের স্কুলটিতে ভর্তিতে অগ্রাধিকার পাবে। **সেসব স্কুল, যেগুলোতে দ্বাদশ (12) গ্রেড পর্যন্ত রয়েছে, সেগুলোতে যেসব মিডল্ স্কুলে ভর্তির আবেদনকারীর কোনও ভাই-বোন বর্তমানে ষষ্ঠ, সপ্তম, অষ্টম, নবম, দশম, অথবা একাদশ (11) গ্রেডে পড়ছে, তারা তাদের ভাই-বোনের স্কুলটিতে ভর্তিতে অগ্রাধিকার পাবে।** যেসব প্রোগ্রামে উন্মুক্ত ভর্তি পদ্ধতি রয়েছে, এই অগ্রাধিকার শুধুমাত্র সেগুলোতে বিদ্যমান। আরো জানতে পরবর্তী সেকশন দেখুন।



### চলমান পঞ্চম (5) গ্রেডের শিক্ষার্থীদের অগ্রাধিকার

যেসব শিক্ষার্থী বর্তমানে এমন একটি স্কুলে পড়ছে যেখানে অষ্টম (8) কিংবা দ্বাদশ (12) গ্রেড পর্যন্ত ক্লাস আছে, তারা তাদের স্কুলের মিডল্ স্কুল প্রোগ্রামে নিশ্চিতভাবে একটি অফার পাবে, যদি তাদের আবেদনপত্রে ঐ স্কুলটি যোগ করে থাকে। গ্যারান্টি বজায় রাখার জন্য আপনার সম্ভাব্য বর্তমান চলমান স্কুলটি আপনার প্রথম পছন্দ হতে হবে না, তবে সেটা আপনার আবেদনপত্রে অবশ্যই অন্তর্ভুক্ত করতে হবে।



### ডিস্ট্রিক্টে (অথবা বরোতে) পড়াশোনা এবং/অথবা বসবাসকারী শিক্ষার্থীদের অগ্রাধিকার

শিক্ষার্থীরা কোথায় বসবাস করে এবং/অথবা স্কুলে যায়, সেটার উপর নির্ভর করে তাদের সুনির্দিষ্ট প্রোগ্রামসমূহে ভর্তি হওয়ার অগ্রাধিকার থাকবে পারে। যদি শিক্ষার্থী কোনো ভিন্ন বরো কিংবা ডিস্ট্রিক্টে বসবাস করে যেখানে সে পাবলিক স্কুলে পড়ছে, সেই শিক্ষার্থী উভয় স্থানেই অগ্রাধিকার পাবে।



## জোন-এ বসবাসকারীদের অগ্রাধিকার

কোনও মিডল্ স্কুলে জোনভুক্ত শিক্ষার্থীদের ঐ স্কুলের জোনভুক্ত প্রোগ্রামে ভর্তি হওয়ায় অগ্রাধিকার রয়েছে। এই অগ্রাধিকার পেতে, আপনার জোনভুক্ত স্কুলটি আপনার সন্তানের আবেদনপত্রে যোগ করুন। এই অগ্রাধিকার পেতে আপনার জোনভুক্ত স্কুলটিকে প্রথম পছন্দ হিসেবে তালিকাভুক্ত করতে হবে না।



## ভর্তি পদ্ধতিসমূহ

প্রোগ্রামগুলো যেসব উপায়ে শিক্ষার্থীদের ভর্তির অফার দেয়, সেগুলোই হলো ভর্তি পদ্ধতি। মিডল স্কুলে ভর্তির জন্য ভর্তি পদ্ধতিসমূহ নিম্নোক্ত:

**উন্মুক্ত:** শিক্ষার্থীদের এলোমেলোভাবে বেছে নেয়া হয়।

**যাচাইকৃত (স্ট্রিন্ড):** শিক্ষার্থীদেরকে তাদের শিক্ষায়তনিক রেকর্ড অনুযায়ী বেছে নেয়া হয়।

**অডিশন:** শিক্ষার্থীদেরকে তাদের দেয়া একটি অডিশনে প্রাপ্ত ফলাফল বা স্কোরের ভিত্তিতে বিবেচনা করা হয়।

**ভাষাগত মাপকাঠি:** শিক্ষার্থীদেরকে তাদের বাড়িতে ব্যবহৃত ভাষা, এবং/অথবা ইংরেজি ভাষা শিক্ষার অবস্থা বা স্ট্যাটাসের ভিত্তিতে বেছে নেয়া হয়।

**জোনভুক্ত অগ্রাধিকার:** যেসব শিক্ষার্থী স্কুলের জোনে বসবাস করে তাদের এই প্রোগ্রামে অগ্রাধিকার দেয়া হয়েছে।

ভর্তি পদ্ধতিসমূহ কীভাবে কাজ করে সেসম্পর্কে আরও জানতে, [schools.nyc.gov/MS](https://schools.nyc.gov/MS) দেখুন।

**পরামর্শ** আসন লভ্যতা, ভর্তিতে অগ্রাধিকার (প্রায়োরিটি), এবং এলোমেলোভাবে নির্ধারিত নম্বরের উপর নির্ভর করে একটি প্রোগ্রাম কীভাবে আবেদনকারীদের অফার প্রদান করে, সেটার একটি উদাহরণের জন্য এই গাইডের শেষ ভাগে অফার কীভাবে দেয়া হয় সেকশনটি দেখুন।

## 7.4 মিডল্ স্কুলে ভর্তির আবেদন করুন

- **পাবলিক স্কুলের বর্তমান শিক্ষার্থীদের জন্য:** আপনার সন্তানের স্বাগত চিঠিটি আপনার মাইস্কুলস্ অ্যাকাউন্টটি কীভাবে তৈরি করতে হবে এবং তার আবেদনপত্র দেখতে হবে, তা ধাপে ধাপে বর্ণনা করবে। আপনার সন্তানের বর্তমান স্কুল কাউন্সিলার পুরো ভর্তি প্রক্রিয়া চলাকালে সহায়তা করতে পারেন।
- **প্রাইভেট অথবা প্যারোকিয়াল (ধর্মীয়) স্কুলের বর্তমান শিক্ষার্থীদের জন্য:** যদি আপনি NYCPS-এর মিডল্ স্কুলগুলোতে আবেদন করতে চান, তবে একটি মাইস্কুলস্ অ্যাকাউন্ট তৈরি করতে এবং প্রক্রিয়াটি শুরু করতে আমাদের ফ্যামিলি ওয়েলকাম সেন্টারের স্টাফ সদস্যগণ সহায়তা করতে পারেন।




## কীভাবে আবেদন করতে হবে

আপনার ক্যালেন্ডারে টুকে রাখুন! মিডল্ স্কুলে ভর্তির আবেদন করার শেষ তারিখ হচ্ছে \_\_\_\_\_ (শূন্যস্থানগুলো পূরণ করুন)।

আপনি আবেদন করার আগে, আপনার সন্তানের আবেদনপত্রের সুনির্দিষ্ট প্রোগ্রামসমূহে বাড়তি আবশ্যিকতা আছে কিনা তা নিশ্চিত হয়ে নিন, যেমন অডিশন, এবং সেগুলো উল্লেখিত শেষ সময়সীমার আগেই সম্পন্ন করুন।

সময়সীমা শেষ হবার আগে, তিনটি উপায়ের যেকোনো একটির মাধ্যমে আবেদন করুন:

 অনলাইনে **MySchools.nyc**-এর মাধ্যমে। সুপারিশকৃত! আবেদনের সময়সীমা চলাকালে, এই পন্থাটি সপ্তাহের 7 দিন, 24 ঘন্টাই লভ্য রয়েছে। অনলাইনে ইংরেজি, আরবী, বাংলা, চাইনিজ, ফ্রেঞ্চ, হেশিয়ান ক্রিওল, কোরিয়ান, রাশিয়ান, স্প্যানিশ, অথবা উর্দু ভাষায় আবেদন করতে পারেন। **“Submit Application” (আবেদন জমা দিন)** বাটনে ক্লিক করতে ভুলবেন না! যখন আপনি **কনফেটি** দেখবেন, তখন বুঝতে পারবেন যে আমরা আপনার সন্তানের আবেদনপত্র পেয়েছি!



আপনার সন্তানের বর্তমান পাবলিক স্কুল কাউন্সিলারের মাধ্যমে। একজন স্কুল কাউন্সিলারের সাথে কথা বলুন—তিনি আপনাকে আপনার সন্তানের আবেদন জমা দেয়ায় সহায়তা করতে পারেন।

একটি ফ্যামিলি ওয়েলকাম সেন্টারের মাধ্যমে। অপেক্ষা-তালিকার ব্যাপারে সর্বশেষ হালনাগাদ তথ্য জানতে

**schools.nyc.gov/FWC** দেখুন। 200-এর বেশি ভাষায় দোভাষী পরিষেবা লভ্য আছে—আপনার ভাষায় আপনি ভর্তি সংক্রান্ত প্রশ্ন জিজ্ঞাসা এবং অনুরোধ করতে পারেন।

## 7.5 আপনার অফার গ্রহণ করুন

আপনার সন্তানের মিডল্ স্কুল অফারের চিঠিতে, 2025-এর হেমন্তে (ফল-এ) একটি NYCPS-এর পাবলিক মিডল্ স্কুলে ভর্তির অফার থাকবে। এতে ওয়েটলিস্ট (অপেক্ষা-তালিকা) এবং পরবর্তী ধাপগুলো সম্পর্কেও তথ্য দেয়া থাকবে। অপেক্ষা-তালিকা সংক্রান্ত সর্বসাম্প্রতিক তথ্যের জন্য **schools.nyc.gov/Waitlists** দেখুন।

### অপেক্ষা-তালিকা (ওয়েটলিস্ট)

কোনও মিডল্ স্কুল প্রোগ্রামের অপেক্ষা-তালিকা বা ওয়েটলিস্ট হচ্ছে সেসব আবেদনকারীদের একটি তালিকা, যারা ঐ প্রোগ্রামে আবেদন করেছে কিন্তু সেটায় ভর্তির কোনও অফার পায়নি। অফারগুলো পাঠানোর পর যদি কোনও আসন খালি হয়, তবে স্কুলটি ঐ প্রোগ্রামের অপেক্ষা-তালিকার প্রথম শিক্ষার্থীকে অফার প্রদান করতে পারে।

- আপনার সন্তানকে আপনাপনিভাবে সেসব প্রোগ্রামের অপেক্ষা-তালিকায় রাখা হয়, যেগুলো আপনার সন্তান যে স্কুল থেকে ভর্তির অফার বা প্রস্তাব পেয়েছে সেটা থেকে তার আবেদনপত্রে উপরে তালিকাভুক্ত করেছে। উদাহরণস্বরূপ, আপনার সন্তান যদি এমন কোনো প্রোগ্রামে অফার পেয়ে থাকে যেটা আপনি তার আবেদনপত্রে তৃতীয় অবস্থানে তালিকাভুক্ত করেছেন তাহলে তাকে স্বয়ংক্রিয়ভাবে আপনার প্রথম এবং দ্বিতীয় পছন্দের প্রোগ্রামের অপেক্ষা-তালিকায় (ওয়েটলিস্ট) রাখা হবে।
- যখন অপেক্ষা-তালিকা (ওয়েটলিস্ট) উন্মুক্ত হবে (অফারগুলো পাঠানোর পর), তখন আপনার সন্তানকে অতিরিক্ত প্রোগ্রামের অপেক্ষা-তালিকায় যোগ করতে পারবেন।
- অপেক্ষা-তালিকা খোলা থাকাকালীন সময়, আপনি আপনার মাইস্কুলস্ অ্যাকাউন্ট ব্যবহার করে আপনার সন্তানকে অপেক্ষা-তালিকায় যোগ করতে পারেন, কোনও স্কুলের অপেক্ষা-তালিকায় তার অবস্থান দেখতে পারেন, এবং অপেক্ষা-তালিকার অফার গ্রহণ বা প্রত্যাখ্যান করতে পারেন। আসন খালি হওয়া, ভর্তিতে অগ্রাধিকার, এবং আপনার আসন গ্রুপের ভর্তি প্রক্রিয়ার উপর নির্ভর করে অপেক্ষা-তালিকা থেকে অফার দেয়া হয়।
- যদি কোনও স্কুল আপনার সন্তানকে একটি অপেক্ষা-তালিকার অফার দিতে সক্ষম হয়, তারা সরাসরি আপনার সাথে যোগাযোগ করবে, এবং ঐ অফার গ্রহণ অথবা প্রত্যাখ্যানের জন্য আপনি এক সপ্তাহের মত সময় পাবেন।

## আবেদনপত্রে আমার পছন্দসমূহ

1

2

3

4

5

6

7

8

9

10

11

12



**MySchools.nyc** -এ, আপনার স্কুল ও প্রোগ্রামের  
অপশনসমূহ অনুসন্ধান করুন এবং আবেদন করুন।